

Vizyon

Donn 40% Logmantasyon

Mardi dan Lasanble Nasyonal, SPPF in dakor pou donn sa nouvo Sef Ziz etranze en logmantasyon lapey 40%. Tou bann manm SPPF pa'n war nanryen mal avek sa. Zot in vot an-faver konmsi napa nanryen mal avek sa. SNP in vot kont en tel logmanasyon. Nou'n demande ki gouvèrnman i donn tou travayer Seselwa en logmantasyon 40% lapey avan Bidze parey ki Mr. Michel in anonse letan i ti fer miting Anse Aux Pins.

Donn logmantasyon lapey ansanm

I annan en kantite lipokrizi dan sa zafer lapey. Alor nou dan SNP nou pou pe fer nou bann demann dan en fason vreman kler. Nou demande ki Sef Ziz pa ganny sa logmantasyon lapey deswit, me ki gouvèrnman i esper tou travayer ganny logmantasyon e apre donn li. Dan sa fason tou dimoun i ava benefisyè ansanm, e non pa zis en dimoun.

Donn tou 40% logmantasyon

Logmantasyon lapey i sipoze baze lo lenflasyon. An Zen sa lannen, ofisyelman lenflasyon ti 42% e sa logmantasyon 40% ki Sef Ziz pe gannyen i reprezant to lenflasyon. SNP i demande ki tou travayer i osi ganny en logmantasyon lapey 40%. Sa i a vedir ki sa 'carer' ki ozordi pe tous R1600 pour en zournen travay i ava ganny li omwen R2,240. Me menm sa lapey nou demande ki i annan en revizyon aköz i tro ba. Fodre ki gouvèrnman i aret donn enpe dimoun gro logmantasyon tandi ki lezot i ganny preski nanryen ditou.

Menm Formil pour tou dimoun

En lot keksoz ki'n ler pou sanze se formil gratuite. In ler pour ki en sel formil i ganny adopte. Nou pa kapab annan en pei kot

serten dimoun i ganny gratuite tou le zan oubyen tou le 5 an tandi ki lezot i bezwen esper tou le 15an. Sa fodre sanze aköz si gouvèrnman i kwar ki serten i bezwen ganny sa tou le zan, aköz ki sa pa aplik pour tou dimoun? SNP i demande ki sa i sanze o-pli vit posib.

Etranze i pas devan Seselwa


I vreman malere pou war ki sa parti ki apel li 'Parti Lepep' i kontinyen met lepep Seselwa an-dernyen. Tandi ki dan sekter prive dan bann lotel Seselwa i ganny mwens lapey ki etranze, la aprezan Gouvèrnman SPPF osi i komans fer menm zafer. Regard enpe diferans dan en serten

lotel: Telefoni/resepsyonis Seselwa - R3224 Etranze R8658; chambermaid Seselwa - R3304, Etranze R7123; Zardinyen Seselwa R3264, Etranze - R6979; Waitress Seselwa R3304, Etranze R7066. I malere pou dir, me SPPF ozordi pe pratik menm zafer e Seselwa i reste touzour dernyen.

SPPF i fer onte

Frer ek Ser Seselwa, sa parti SPPF ki ti fer tou sa bann gran promes in fini oubliye Seselwa e ozordi i pe regard zis etranze. Seselwa i kontinyen pas dernyen lo son program. SNP i dir fodre retourn Sesel pour Seselwa. **CHANGE NOW!**

Pa bliy nou bann frer otaz



I fer deza 4 mwan depi ki sa premye group Seselwa ti ganny atrape avek bann pirat Somalyen. Nou a rapel ki msye Michel ti promet ki i pou fer tou, pour ki tou bann otaz i retourn Sesel sen e sof. Pli enportan i ti donn son langazman ki tou le 10 ti pou retourn ansanm. Me ziska prezan i paret ki nou 3 frer in ganny oubliye. SNP pe demann lotorite pou akseler bann demars pou fer retouren nou 3 frer; Conrad Andre, Gilbert Victor e sa lot ki son lidantite pa ankor ganny devwale. SNP i repet son langazman pou ofer okenn sipor ki nou kapab donner. Antretan nou ofer nou sipor pour tou bann ki pe viv dan dezespwar, an atandan zot retour.

SNP i senpatiz avek tou fanmiy ki'n perdi enn zot pros dan en fason trazik e soudan resaman. Nou konserne avek lakan-tatite dimoun ki pe perdi zot lavi dan en fason ki ti kapab evite, tel ki mert, aksidan lo semen, mor an- detansyon lapolis e 'overdose' avek drog. Nou swete ki bann lotorite konsernen i a pran sa bann ka o- serye e a fer tou le neserer pou determin tou lakoz sa bann lensidan. Nou asir tou fanmiy ki pe pas atraver bann moman difisil, ki zot dan lapriyer manm e siporter SNP.

Lager Soley

En vre komedi ti pase dan Lasanble Nasyonnal Mardi letan ti pe regard logo ki Lasanble Nasyonnal pe adopte. Dan sa logo ti annan en portre soley leve, ki senbol SPPF. Alor SNP ti obzekte e serten MNA SPPF ti dakor ki nou pa kapab annan en senbol ki anmenn divizyon pour en lenstitisyon nasyonnal. En sel mirmirasyon ek friy pwason ti arive.

Mitye Larue, Madanm Gamatis, Ansley Constance, ek Joseph François ti ensiste ki sa soley i ganny garde tandi ki lezot ti pe esey fer zot konpran ki ou pa kabab gard sa soley. SPPF ti dan konfizyon total. Finalman sef ti donn lord e zot tou zot ti 'fall in' e tonm dakor pou tir soley.

Sa i zis montre ou ki dan SPPF i annan bann fanatik, e se sa bann dimoun ki danzere pour developman Sesel. Fodre sanzman dan Sesel.

Michel pa konn Konstitisyon

Imalere pou war en prezidan ipokrit e malonnet. I dir ki SNP ti devret donn lord son manm lo CAA pou dir met en Seselwa koman Sef Ziz. I dir sa aköz SNP in kritik lapwentman Sef Ziz Ugandan.

Me regarde kwa ki Lartik 139(2) nou Konstitisyon i dir: '*Subject to this Constitution, the Constitutional Appointments*

Authority shall not, in the performance of its functions, be subject to the direction or control of any person or authority.'

Mr. Michel, avan ou maltret dimoun e fer bann gran deklarasyon, fer sir ou konn byen ou Konstitisyon aköz ou fer ou pas pou en gran lenbesil letan ou fer sa bann teat! Aret bat latet lepep Seselwa. Lizye lepep i ouver byen gran.

Lepep in ganny anbadonnen

Parti SPPF, alyas Lepep, in admet ki zot in abadonn lepep Seselwa. Dan zot lavertisman lo televizyon, lavwa Marie-Antoinette Rose i dir klerman zot pe retourn ver lepep. Sa i vreman tris e fodre ki lepep Seselwa i not sa tre byen pour zot pa fer menm fot demen.

Nou tou nou konnen ki dan sa bann dernyen mwan parti o-pouvwar ti pli enterese avek zis sa ki IMF ti pe dir li. Zot move model ekonomik, gaspiyaz e koripsyon ti enfeste nou pei, alor pou sov limilyasyon fer Sesel fayit, zot ti bezwen anval sa pilil anmer IMF. Me pandan ki zot ti pe fer sa, zot ti anvoy pronmnen pep Seselwa ki ti fek donn zot en

manda dan eleksyon 2006 e 2007.

Zot pa ti konsilte lepep avan enpoz lamizer lo nou, devalye nou roudi, pous dimoun dan travay e koup servis gouvemman. Ozordi letan zot santi ki pep Seselwa pe dekoste e dir zot in ganny ase, zansla, parey zot labitib, pe komans pas port an port, kaz an kaz pou donn lenpresyon ki zot enterese avek laspirasyon e souffrans Seselwa.

Ouver nou lizye e anpes nou ganny anbete ankor. Sa ki SPPF i oule se zis reste opou-vwar. Byento zot pou oubliy bann mezir IMF e komans promet lesyel ek later e rezerv vineg pour plitar. Seselwa annou reste virzilan e anvoy SPPF pronmnen.

Ziska ki degre Michel pou flat Arab?

Ifer lapenn pou vwar ki mannyer nou prezidan pe abes son lekor. Likel lot prezidan ki nou'n deza tande i kit son lofis ofisyel kot i abitye rankontre bann personalite etranze, e al zwenn en dimoun dan lotel kot i pe reste? Sa i apel flate e montre ki i pe abes son stati.

Ki sa lerwa Arab i ete? Ki li ki i pa kapab desann anvil e al zwenn msye Michel State House kan i lo vakans isi? Me non, se nou prezidan ki bezwen mont ovan e al kot boug-la Barbarons pou zwenn li.

I deplorab pou vwar ki mannyer msye Michel pe donn tout sort privez bann Arab. Zot pe aste nou later pour en roudi, ganny Plantation Club koman kado, servi Sesel koman zot 'playground' e park zot avyon ki mannyer i fer zot plezir lo nou erport. Fodre nou fer byen atasyon. Arab pe pran tou sa ki zot kapab en sel kou angran, tandi ki nou, nou ganny zis \$3milyon par an pour 10an avek zot! Samenn sa prosperite avek progre? Zot donn nou gout par gout, me zot pran par barik! Serye ou Jj!

PAS PARTOU

En leker pour tou Seselwa?

Apré eleksyon, Michel ti deklare ki i prezidan tou Seselwa. Me ozordi i vin lo televizyon e dir ki i pa enterese avek sa ki Lopozisyon pe dir. I dir ki i pa travay pour fer plezir 45% popilasyon. Jj nepli annan en leker pour tou Seselwa?

Nou Tou Nou La!

Seselwa in byen apresye antann en sanson SNP zwe lo radyo tou resaman. Sa sanson profetik ti en lapel pour tou Seselwa rasanble, menm avan ki nou ti antann lapel pour koste. An retar J?

Ki ou al fer ou touse1?

Dimoun pe demande ki gran sef ti al fer kot pale Arab Barbarons, avek son drayver e bodyguard? Sa ki zot anvi konnen se ki kalite diskisyon ki ou ti bezwen al fer tou leswar.

Kazou anba ponm

Minis lapire ti parey kazoo anba ponm avek sa gro kasket lo son latet. I fer lapenn mannyer son parti i kontinyen servi li pou fer tou travay dan rigol. Retrouv sa \$4.5 e ou ava respire.

Lisyen ek zoure

Lisyen ek zoure pa ti manke dan leo Sanmdi pase letan SPPF ti deside al lo peron lepep. Sa ki'n perdi savat pe konplent ki parti pa oule rann.

'Car Boot Sale'

Zwenn Komite Madanm SNP

dan en gran

"Car Boot Sale"

le 1 Out lo Carpark

Stad Popiler aparti 9er

bomaten.

Kontakte 781265/591300 si

ou anvi partisipe.